

蜀藏叢書

第十九册

巴蜀珍稀教育文獻匯刊

主編 李

高志剛


成都時代出版社



蜀藏叢書



第十九册



巴蜀珍稀教育文獻匯刊

主編 李勇先 高志剛

成都時代出版社

目錄

第十九冊

- | | | | |
|-------------------|----------|---------|-----|
| 光緒元年乙亥恩科四川鄉試錄續 | (清)潘 溫 編 | 清光緒年間刻本 | 一 |
| 光緒元年乙亥恩科四川闈墨 | (清)佚 名 編 | 清光緒年間刻本 | 四三 |
| 光緒元年乙亥恩科四川鄉試硃卷 | (清)佚 名 編 | 清光緒年間刻本 | 一八五 |
| 光緒二年丙子科四川鄉試第二房同門錄 | (清)佚 名 編 | 清光緒年間刻本 | 二三一 |
| 光緒二年丙子科四川鄉試錄 | (清)佚 名 編 | 清光緒年間刻本 | 三八一 |

(清)潘 溫 編

光緒元年乙亥恩科四川鄉試錄

續

清光緒年間刻本

取中榜拾貳名俱習五經

第壹名嚴士濬 年貳拾玖歲 瀘州 附生

第貳名吳鴻典 年貳拾叁歲 成都府 附生

第叁名王基 年貳拾叁歲 萬縣 附生

第肆名顏錫玠 年貳拾叁歲 嘉定府 附生

第伍名黃學成 年貳拾玖歲 仁壽縣 附生

第陸名范家觀 年肆拾伍歲 宜賓縣 恩貢

第柒名毛文卓 年貳拾柒歲 簡州 附生

第捌名王三錫 年貳拾捌歲 溫江縣 附生

三才外言金

三

第 玖 名李鳳誥 年貳拾伍歲 重慶府 增生

第 拾 名聶培樹 年貳拾肆歲 屏山縣 學生

第 拾壹 名鄧芝龍 年肆拾貳歲 南溪縣 歲貢

第 拾貳 名李霑春 年拾捌歲 夔州府 附生

第壹場

四書文

子曰賜也女以予爲多學而識之者與對

曰然非與曰非也

袁希璋

直隸州用補用知縣馬德澂 閱 薦

翰林侍讀學士府左春坊左史加三級溫忠翰 批 氣清筆健

光祿寺少卿隨帶加三級潘斯濂 批 博大昌明

有精於學識者不妨直決其非焉蓋惟子貢當

學識有得之候是以既見爲然復見爲非也夫子直決之殆有精於學識者乎從來冥情坐照者必非聖人聖人者不以學識爲非者也要未嘗不以徒學徒識爲非而特恐學聖人者不知其非且意其未必或非聖人爲之迎其機而啟之待其時而發之而斯人得力之深轉悟之捷已畢陳於函丈之間而乃樂得以相示子貢之在聖門蓋嘗以多學而識爲宗矣其用心之專也非疑而不信其致力之久也實信而不疑是

安能自知其非哉夫子有至教焉必預斥乎多
之見將空疎無據者皆得自逞其靈明而學不
博則見解不詳識不周則推求無本是格物致
知其程功皆可坐廢也子貢必以爲非也然苟
極乎多之情將窮大失居者皆得自矜其宏博
而學愈博而事物愈繁識愈周而見聞愈闢卽
日就月將恐精神亦有不暇也夫子必更以爲
非也詔之曰女謂賜之專恃乎多也示之曰予
明我之不專事乎多也賜苟不知其然又安能

遽識其非哉蓋攻苦既久境地日新驟而詰以途徑所經而鼓舞流連遂不覺全神之交暢要其快心之處卽無非疚心之處也而躊躇內顧不禁兩念之交營詣力旣深機緘日闢反而卽以生平之誤而遲回慎重仍不免成見之未融要其善疑之時卽無非善悟之時也而反覆追尋幾似一心之無主然與非與得夫子一言而賜可直斷其非矣大化原不息耳必待逐物而己不勝其擾且無論其擾也散殊高下不

過兩端之形象因其迹而探索之學之境於此
開學之程不於此止也迨至治聞殫見已周知
乎紛紜蕃變之情而端倪之露感觸之微必有
超乎耳目尋常之外者特不學而識者未能懸
揣其理耳至詣亦無盡耳必欲逐事而究而又
不勝其勞且無論其勞也詩書易象無非往迹
之流傳得其言而誦說之可爲吾學資考證之
功不可爲吾學示精微之妙也迨至深造有得
已備歷乎層累曲折之數而微言之著大義之



乙亥 宋 朱子言金

三一

陳必有寓於名物象數之中者特不多學而識者不敢臆度為說耳一以貫之夫子豈多學而識者哉而賜是矣

舜其大孝也與德為聖人

袁希璋

直隸州用補用知縣馬德澂 閱 薦

隸院侍讀詹事府左春坊左庶子溫忠翰 批 理精法密

光祿寺少卿陸燾加三級潘斯濂 批 局度渾成

孝之大首德愈隆千古一人而已夫舜之孝以

德而成其孝也德至於聖斯豈今人之所能及
哉且夫人不能爲千古之孝子者必不能爲千
古之聖人故嘗謂聖人之德無以加於孝也然
伊古以來以孝著者不必盡以德傳以德彰者
不必皆由孝顯乃至以倫常卓絕之詣竝歸諸
神靈首出之人斯虛擬焉而孝已難名實徵焉
而德猶可驗矣吾嘗觀諸舜夫舜之前有堯堯
爲聖人不聞竝稱其孝也舜之後有禹禹爲聖
人未聞亟稱其孝也而舜也迥然異矣庭幃聚

處之事羣聖皆遇其常而舜獨逢其變完廩浚井身受之而意氣胥融者亦心安之而形神俱泰也孝必有所止而舜之孝莫知所止矣堂構相承之業羣聖皆值其易而舜獨際其難蒸爨克諧反施之而無忝所生者亦順遇之而勿貽伊戚也孝必有所窮而舜之孝不可勝窮矣大矣乎其斯以爲舜乎且夫舜之孝以德而成而舜之德以聖爲量厯山號泣猶是依依孺子之慕耳敢自信溫恭允塞上擬重華之協帝哉乃

側陋無望於明揚而徵庸不遺乎微賤當日者
天地爲之成平風雷爲之感格其德之綱維乎
世宙者卽其德之默化乎頑嚚者也而其詣已
幾無可加媯汭觀型猶是碌碌窮人之戚耳敢
自謂精一危微下啟萬世之傳心哉乃濬哲未
卜其升聞而典禮已期其秩序當日者有苗以
干羽而來格同寅以師濟而和衷其德之不冒
乎寰區者卽其德之周流於庭戶也而其品已
幾莫能尙且夫舜爲聖人無所爲而爲者也其